



## Ad Wënd ka sakd tuumde, rëndame tı yaa sën yı Yë yĩng bala, n baood A Nengã

Yii A Abu Umaama Al-baahily nengã (Wënd yard be a yĩnga) a yeelame: Rao n wa Nabiyaamã nengẽ (Wënd puusg la A tulgr be a yĩnga) n yeele: fo yãa raoo sën baood keoor la yuure, bõe la a tara? Tı Wënd Tën-tuumã yeele (Wënd puusg la A tulgr be a yĩnga): «A ka tar baa fuı» T'a lebg n yeel noor a tãabo. Tı Wënd Tën-tuumã (Wënd puusg la A tulgr be a yĩnga) yeele: «A ka tar baa fuı». Rë poorë t'a yeele: «Ad Wënd ka sakd tuumde, rëndame tı yaa sën yı Yë yĩng bala, n baood A Nengã».

[Naşun Şahuhun (Gom-sikdem sën manege)]

Raoa n wa Nabiyaamã nengẽ (Wënd puusg la A tulgr be a yĩnga): sën na yılë n sok-a: raoo sën na n yi n këng zabre la ghaadı, n baood keoor Wënd nengẽ la a baood pëgr nebã nengẽ, rë yĩnga a na n paama keoor bu? Tı Wënd Tën-tuumã loek-a (Wënd puusg la A tulgr be a yĩnga): t'a ka tar keoor baa fuı; bala a maana lagem-n-taare a Anniyã wã pugë zëng sën ka Wënde. Tı raoo lebg n yulem a sokrã Nabiyaamã (Wënd puusg la A tulgr be a yĩnga) noor a tãabo. Tı Nabiyaamã kengd-a loekr a yembre; t'a ka tar keoor ye. Rë poorë tı Nabiyaamã (Wënd puusg la A tulgr be a yĩnga) kō-a kibare ne yëgr ning Wënd sën reegd tuumã yamb nengẽ wã: Ad Wënd ka sakd tuumde, rëndame tı yaa sën yı Yë yĩng bala, n ka lagem bũmb a to a pugë, n baood A Nengã, (A Naam yılgame).

<https://sunnah.global/hadeeth/mos/show/65107>

